

## كتر خيرك

---

مش هشغل نفسي بغيرك  
ولا هفضل عمري أسير  
ولا هبعد أنا و أتهرب ...  
و إن كان خانك تعبيرك  
علي بعدك كتر خيرك  
مش ناوي تاني اتغرب ...  
كتبتي نهاية فيلمي  
و قتلتني بإيدك حلمي  
بعد ما خلاص كان قرب ...  
بعد ما سكنتي وريدي  
و مَلَكْتِ الحلم بإيدي  
من ايدي بدء يتسرب ...  
غيرك في الدنيا كتير  
المسألة مش فوازير

لكن مين يشبه قلبك  
أو حتي لقلبي يقرب ...  
مش هشغل نفسي بغيرك  
ولا هقدر اطير مع طيرك  
ولا هفضل واقف ثابت  
ولا احاول تاني ولا أجرب ...